



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e – mail: info@voda.ba

Broj: **UP-1/21-1-40-636-5/22**

Datum: **30.03.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica JP Autoceste Federacije BiH d.o.o. Mostar, u predmetu izdavanja prethodne vodne saglasnosti za formiranje trajne deponije inertnog materijala iz iskopa na dionici autoceste Putnikovo Brdo - Medakovo, lokacija 1, općina Tešanj, na osnovu člana 121. stav 3. Zakona o vodama («Službene novine Federacije BiH, broj 70/06») i člana 218. Zakona o upravnom postupku Zakona o upravnom postupku («Službene novine Federacije BiH», broj 2/98, 48/99 i 61/22), donosi

ZAKLJUČAK

Odbacuje se zahtjev podnesen od strane JP Autoceste Federacije BiH d.o.o. Mostar, za izdavanje prethodne vodne saglasnosti za formiranje trajne deponije inertnog materijala iz iskopa na dionici autoceste Putnikovo Brdo - Medakovo, lokacija 1, Općina Tešanj, zbog nepotpunosti dokumentacije i smatra se kao da isti nije niti podnesen.

Obrazloženje

Podnosilac zahtjeva, JP Autoceste Federacije BiH d.o.o. Mostar, obratio se dana 29.11.2022. godine sa zahtjevom za izdavanje prethodne vodne saglasnosti za aktivnost formiranja trajne deponije inertnog materijala iz iskopa na dionici autoceste Putnikovo Brdo - Medakovo, lokacija 1, općina Tešanj.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 3. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22) dopisom broj: UP-1/21-1-40-636-2/22 od 15.12.2022. godine u kojem je zatraženo od podnosioca zahtjeva da isti upotpuni u roku od 15 (petnaest) dana od dana urednog prijema dostavljene obavijesti.

Dana 06.01.2023. godine, Investitor je uz dopis broj: 05-8065-2/22 od 4.1.2023. godine, dostavio dopunu dokumentacije. Nakon izvršenog uvida u dostavljenu dokumentaciju utvrđeno je da ista nije potpuna te je dopisom broj: UP-1/21-1-40-636-4/22 od 09.01.2023. godine u kojem je zatraženo od podnosioca zahtjeva da istu upotpuni u roku od 15 (petnaest) dana od dana urednog prijema dostavljene obavijesti.

U propisanom roku Podnosilac zahtjeva nije dostavio traženu dopunu dokumentacije, kao ni do dana donošenja ovog zaključka.

U provedenom postupku, uz zahtjev za izdavanje prethodne vodne saglasnosti dostavljena je slijedeća dokumentacija:

- Kopija Rješenja o izmjenama podataka o upisu u sudski registar, broj: Tt-O-500/22 izdatog 01.06.2022. godine od strane Općinskog suda u Mostaru,
- Kopija potvrde o promjeni podataka za porezni identifikacijski broj izdato 27.06.2022. godine od strane Kantonalnog poreznog ureda Mostar,
- Kopija rješenja o odobrenju za građenje autoceste na koridoru Vc, dionica Putnikovo Brdo - Medakovo, broj: UP1-03-19-2-601/22 izdato dana 8.11.2022. godine od strane Federalnog ministarstva prostornog uređenja (kopija);
- Rješenje o izmjeni rješenja o odobrenju za građenje autoceste na koridoru Vc, dionica Putnikovo Brdo - Medakovo, broj: UPI/03-23-2-22/15 izdato dana 3.11.2022. godine od strane Federalnog ministarstva prostornog uređenja (kopija);

- Rješenje broj: 04-45-1-3940-2/22 od 06.01.2023. godine o davanju saglasnosti na mogućnost odlaganja viška iskopanog materijala u svrhu nivelacije i uređenja priobalnog pojasa uz rijeku Usoru u sklopu izgradnje autoceste na Koridoru Vc, izdato od strane «Službe za finansije, privredu, komunalne i inspekcijske poslove» Općine Tešanj;
- Mišljenje o usklađenosti planiranih aktivnosti broj: 06-19-1-4377/22 od 05.01.2023. godine, izdato od strane «Službe za katastar, urbanizam i imovinsko-pravne poslove» Općine Tešanj;
- Izvod iz prostornog plana broj: 06-19-1-4377/22 od 21.12.2023. godine, izdat od strane «Službe za katastar, urbanizam i imovinsko-pravne poslove» Općine Tešanj;
- Zemljišnoknjižni izvadak broj: 039-0-RZ-22-002 903, ZK uložak broj: 90, KO KRAŠEVO;
- Zemljišnoknjižni izvadak broj: 039-0-RZ-22-003 361, ZK uložak broj: 52, KO SP_KRAŠEVO;
- Kopija katastarskog plana R1:2500 broj: 06-26-11-5758/2022-7 od 01.12.2022. godine;
- Kopija katastarskog plana R1:1000 broj: 06-26-11-6156/2022-4 od 22.12.2022. godine;
- Izvod iz posjedovnog lista broj 98 za parcele 1007/1; 1007/5; 1007/7; 1008/1 i 1007/2;
- Dokaz o uplaćenju upravnoj taksi;
- Studija za dobivanje prethodne vodne saglasnosti, za forimiranje trajne deponije inertnog materijala iz iskopa na dionici autoceste Putnikovo Brdo – Medakovo, lokacija 1, urađena od strane Ipsa Institut d.o.o. Sarajevo, decembar 2022. godine.

U cilju utvrđivanja činjenica vezanih za ispunjenje uslova u smislu mogućnosti deponovanja viška materijala iz iskopa na predmetnoj lokaciji, od podnosioca zahtjeva je zatraženo da dostavi saglasnost operatera izvorišta „DC Tešanj“, obzirom da je planirana deponija inertnog materijala u drugoj i trećoj zaštitnoj zoni izvorišta, za koje postoji važeća Odluka o zaštiti istog.

Obzirom da stranka u ostavljenom roku, odnosno do izdavanja ovog Zaključka, nije izvršila dopunu podneska u skladu sa dopisom broj: UP-1/21-1-40-636-4/22 od 09.01.2023. godine, saglasno članu 121. stav 3. Zakona o vodama («Službene novine Federacije BiH, broj 70/06») i 218. Zakona o upravnom postupku riješeno je kao u dispozitivu zaključka.

POUKA O PRAVNOM LIJEKU:

Protiv ovog zaključka može se izjaviti posebna žalba Federalnom ministarstvu poljoprivrede, vodoprivrede i šumarstva – Sarajevo, u roku od 15 (petnaest) dana od dana prijema ovog zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka

Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**



Haris Ališehović, dipl.inž.građ.

Dostavljeno:

- JP Autoceste FBiH, Adema Buća 20, 88000 Mostar
- AVP Sava, ISV-vodna knjiga – ovdje
- Arhiva – ovdje
- AVP Sava – Oglasna ploča